


醫學統旨

卷下

武 9
399
104

共十



日
293
卷
100

岡氏
香

香

治遺精虛漏小便遺瀝益氣和

中安補不足安

三焦調諸氣療脾胃中寒邪止嘔噎人多涎

於補中藥內兼用之夜多小便

猪苓氣平味甘苦而淡無毒升而微降陽也入足太

陽少陰經內使削去黑者佳

治痲瘡解毒蠱症不祥除濕利水道止渴解傷寒

疫大熱發汗又治腫脹滿從脚上至小腹腫婦人

子淋子腫此藥行水之功多大燥亡津液無濕症

勿用久服損腎昏目

龍腦香及膏香氣溫味辛苦無毒陽也似山波律國作形

杉木氣明淨若梅香瓣者甚佳膏及萬根下清香無

出者其左者其樹盡也以其辛散性甚似子奈耳欲

治心腹邪氣風濕積聚耳聾明目去目赤膚翳通

香

利閉腸熱塞喉痺時疾心煩狂躁發踈豆瘡下府
瘡入腎治骨病大人小兒風涎閉壅及暴驚熱
巴豆氣溫味辛有大毒沉而降陰也草花為使惡囊
用之三年去皮三心出油物性乃一粒便飲死此食
治傷寒溫瘧寒熱破癥瘕結聚堅積留飲痰癖大
腫水脹蕩滌五臟六腑開通閉塞利水殺道導氣
化食去惡肉排膿消腫除疔毒蠱症邪物通月經
殺諸蟲解斑猫蛇虺毒號為斬關奪門之將大宜
詳悉可輕用

皂莢氣溫味辛鹹有小毒引入厥陰經

治卒中風中氣痰厥昏迷鬼魘不悟尸厥卒死卒
頭痛為末吹鼻中風痺死肌邪氣風頭淚出通關
節利九竅頭風消痰殺精物勞蟲腹脹滿破堅癥

墮胎可沐藥煎膏塗帛貼一切腫毒兼止疼痛
皂角刺治癰疽惡瘡用之能引至直達瘡所已潰透

膿未潰消散米醋煎嫩刺傳瘡癬奇效

桑白皮氣寒味甘辛無毒入手太陰經

治傷中五勞羸瘦補虛益氣崩中脉絕瀉肺氣有
餘喘嗽唾血或痰中見血虛勞客熱消痰止渴去
肺中水氣浮腫腹滿利水道去寸白作線可以縫
金瘡更以熱雞血塗之唐安金藏剖腹用此法

桑椹氣寒味甘無毒

治消渴金石發熱補虛生血黑鬚髮久服不肌

桑寄生氣平味甘無毒

治腰腿遍身筋骨疼痛祛風去痺安胎癰腫全瘡
充肌膚堅髮齒長鬚眉女子崩中不足懷妊漏血

不止產後餘疾下乳汁小兒背強其實明目通神
吳茱萸氣熱味辛有毒浮而降陰中陽也入足太陰
少陰厥陰經用麥實為使惡丹參消石畏紫石英凡後用

治感寒心腹痛欬逆厥冷膀胱小腸冷氣霍亂嘔
吐胃滿吞酸吐酸溫中下氣除濕血痺逐風邪開
腠理脾胃傷冷停滯宿食絞痛下焦寒濕疰痛寒
氣諸藥不可代也脚氣衝心可和生薑汁飲之良
下氣最速腸虛人不宜用

川椒氣溫大熱味辛純陽有毒杏仁為使畏款冬紅及黃蘇去目及合口者去
治邪氣欬逆溫中明目逐骨節皮膚死飢寒濕痺
痛下氣除六腑寒冷傷寒溫瘡大風汗不出心腹

冷氣痛除齒痛壯陽療陰汗縮小便閉腠理通血
脈堅齒髮安蛔出殺鬼疰蠱毒及魚蛇毒多食令
人之氣

椒目氣溫味苦辛有小毒宜微炒不
治盜汗水蠱有下達之能行水之速止行滲道不
行穀道所以能下水燥濕也

胡椒氣大溫味辛無毒屬火而有金性燥
治霍亂心腹冷痛陰寒厥冷冷痢下氣溫中去寒
痰調食用之味甚辛辣快膈殺一切魚肉鼈蕈毒
不可多服大傷脾胃氣積久而大氣疾者忌用

川練子氣寒味酸苦陰中之陽有小毒入心經去核
治溫疾傷寒大熱煩狂殺三蟲疥瘍利小便止下
部腹痛心暴痛消疝并膀胱連小腸等氣

訶子氣溫味苦而酸沉而降陰也無毒六美黑色肉厚者良去核用
治冷氣心腹脹滿胃隔結氣泄逆氣消痰除煩下
食開胃澀腸止久痢赤白及氣痢脾泄不止又治
肺氣因火傷極鬱遏脹氣喘急咳嗽味酸苦故有
收斂降火之功氣虛者亦小用暴嗽初瀉不可驟
用戒之

乾漆氣溫平味辛酸有毒羊夏臍又為之使入藥搗碎炒用

治五緩六急風寒濕痺療咳嗽消痰血痞
女子疝瘕痲堅通經脈消年深血積利小腸去蛇
蟲絕傷補中續筋骨填髓腦血氣心痛生漆去長
蟲

蔓荊子氣味寒苦辛甘無毒陽中之陰太陽經藥烏

類石碎用

治太陽頭痛腦鳴目疾頭昏悶散風邪除目內痛
筋骨間寒熱濕痺拘攣明目堅齒利九竅去白蟲
辛夷氣溫味辛無毒芎藭為之使惡五靈脂畏菖蒲黃黃連石膏去心及外毛

射人肺

治腦漏面腫引齒痛風頭腦痛面黧溫中解肌利
九竅通鼻塞涕出眩冒生鬚髮去白蟲久服下氣
明目

茗苦茶氣微寒味甘苦無毒入手足厥陰經早採者為茶晚者

採者

治痰熱煩渴下氣消食清頭目利小便令人少睡
中風昏漬多睡不醒宜用此久食令人瘦去人脂
茶飲序云釋滯消壅一日之利暫佳瘡氣侵積終

身之累斯大

郁李仁氣平味酸苦無毒陰中之陽

治大腹水腫面目四肢浮腫利小便腸中結氣關

格不通破血潤燥滑大腸

蘇木氣平味甘酸無毒陽中之陰

治婦人血氣心腹痛月候不調或經閉血噤血暈

產後血脹悶欬死者撲損瘀血酒煮五兩取濃汁

服効破血排膿止痛消癰腫去風散氣

紫葳即凌霄也氣微寒味酸無毒畏鹵鹹

治婦人產乳餘疾崩中帶下癥瘕血閉不通寒熱

羸瘦養胎治血痛之要藥也且補陰甚捷蓋有守

而能獨行婦人方中宜用又療酒齕熱毒風刺

血竭氣平味甘鹹有小毒勿誤用而甘似糖子氣

蠟之者上開升

治五臟邪氣帶下止痛破積血金瘡生肉傳一切

惡瘡久不合口者不可多用却引膿主打傷損折

內傷血聚並宜酒服刀箭傷血出不止敷上即止

雷丸氣寒味苦鹹有毒藥炮實厚赤者殺之使人惡葛根入

治邪氣惡風汗出除皮中熱胃中熱殺三蟲逐毒

氣結積蠱毒白虫寸白自出不止作摩膏除小兒

百病久服令人陰痿

五倍子氣平味苦酸無毒

治齒宣疳蠱肺臟風毒流溢皮膚作風濕癬瘡瘰

痒膿水五痔下血小兒百鼻疳瘡未搽口瘡效煎

澄汁洗眼去熱風濕痒腫痛噙口中治頑痰有功

又解諸熱毒又治腸虛泄痢收斂之劑也

木鱉子、氣溫、味甘、無毒

治折傷、消結腫、惡瘡、生肌、止腰痛、除粉刺、點黥、婦人乳癰、肛門腫痛

蜜蒙花、氣平、微寒、味甘、無毒凡用酒浸一宿、候乾、却

治青盲、膚翳、赤澁、多眵、淚消、目中赤脉、小兒麩豆及疳氣、攻眼

天竺黃、氣寒、味甘、無毒此竹內所生、如黃土、着竹成

治小兒驚風、天布客忤、痰壅、失音、鎮心明目、去諸風熱、療金瘡、止血、滋養五臟、小兒藥最宜、和緩故也

菜部

生薑、氣溫、味辛、甘、無毒、浮而升、陽也則去皮、即熟、留皮、無病、又夜、不宜食、夜宜靜、薑動氣、故也

治傷寒、頭痛、鼻塞、寒熱、欬上氣、入肺、開胃、益脾胃、散風寒、消痰、嗽、下氣、去食、止嘔吐、為嘔家之聖藥、久服去臭氣、通神明

乾薑、氣熱、味辛、無毒、半浮半沉、可升可降、陽中陰也秦椒為之使、惡黃芩、黃連、生用辛散、炮用溫中

治膏滿、欬逆、上氣、腹痛、溫中出汗、逐風濕、痺、發散寒邪、賜癖、下崩、利肺氣、止寒嗽、若炮之則微苦、故止而不移、能溫脾理中、裏寒泄痢、霍亂、脹滿、腹中冷痛、中下焦寒濕、沉寒、痼冷、腎中無陽、脉氣欲絕、黑附子為引用、與補陰藥同用、能引血藥入氣分、生血、治血虛發熱、故產後大熱、必用之、炒黑止唾、血痢、中崩漏

紫蘇、氣溫、味辛、甘、無毒

治感冒風寒解肌發表心腹脹滿霍亂嘔吐下氣
開胃消痰下食除脚氣止咳嗽通大小腸莫汁飲
之治蠲毒○子尤良主肺氣喘急欬逆潤心肺消
痰氣腰脚中濕氣結氣調中下氣破癥結消五膈
利大小便

荆芥氣溫味辛苦無毒浮而升陽也取花實成穗者曝乾用治

寒熱鼠瘻瘰癧生瘡破結聚氣下痰血除濕痺辟

邪氣通利血脉傳送五臟能發汗動渴疾祛風癩

賊風口眼喎斜腫毒風疹冷氣頭風眩運婦人血

風等為要藥產後血暈搗末童便調服二錢如神

口噤者挑齒開灌之產後中風酒和服醋調敷風

腫疔腫
薄苛氣溫味辛涼無毒浮而陽也入手太陰厥陰經

治賊風傷風頭腦風去高巔及皮膚風熱能發汗

通關節清利頭目風氣壅併下氣消食惡氣解骨

蒸勞熱清咽喉及小兒風涎驚風壯熱乃上行之

藥能引諸藥入榮衛大病後勿食令人虛汗不止

蘿蔔子氣溫平味辛甘無毒炒研用

治喘嗽膨脹下氣消食有推墻倒壁之功水研服

吐風痰醋塗消腫毒

白芥子氣溫味辛無毒炒研用

治痰在皮膚膜外非此不能達及疰氣上氣發汗

胃膈痰冷面黃

葱白氣溫味辛無毒入手太陰足陽明經詔密

治傷寒頭痛如破寒熱出汗中風面目腫咬痺不

通安胎益目利五臟殺百藥毒利小便安中通和

關節多食昏人神

葦汁氣溫味辛無毒

生研久食昏人取汁

治中風失音心脾痛下膈間瘀血上氣鳴息胃膈

氣結滯及中惡腹脹○子治夢遺精滑白濁助陽

道煖腰膝

瓜蒂氣寒味苦有毒甜瓜蒂也

治大水身面四肢浮腫下水殺蠱毒欬逆上氣風

癆喉風痰涎暴塞中脘停痰皆吐下之去鼻中息

肉療黃疸吹鼻中出黃水除偏頭疼有神

香薷氣微溫味辛無毒

治癰亂腹痛吐瀉下氣除煩熱調中溫胃解暑利

小便散水腫治水甚捷有徹上徹下之功肺得之

則清化行而熱自下矣

菓部

橘皮氣溫味辛苦無毒浮而升陽也

陳久者良

治胃中痰熱逆氣利水穀下氣止嘔欬逆癰亂泄

瀉導滯氣和脾胃利膈化食去寒邪少用同白朮

則益脾胃多用獨用則損脾胃有甘草補脾無則

瀉脾去白消痰泄肺理氣止咳

青皮氣寒味苦無毒沉而降陰也入手少陽經厥陰

引經藥消積定痛用醋炒

治脇痛小腹痛氣滯消食破積結膈氣消疝伐肝

氣多服損人真氣

山查子氣味平甘無毒

治食積化宿滯行結氣健胃消食積痰益小兒又

催瘡痛消滯血婦人兒枕痛濃煎此藥汁入砂糖

調服立効

蓮子氣寒平味甘無毒

去心長多食令人喜熱

治腰痛泄精補中養神安心止渴止痢益氣力除

百病○心治血渴疾清心去熱產後渴服之立愈

○蓮花蕊鎮心固精輕身益氣

藕氣寒味甘無毒

治熱毒口渴煩悶解酒毒消痰血破產後血悶搗

罍金瘡熟傷散血止痛生肌蒸熟食開胃補五臟

○節搗汁治吐血衄血不止

芡實氣平味甘無毒

治濕痺腰脊膝痛補中除暴疾益精氣強志令耳

目聰明耐老不饑

覆盆子氣平微熱味甘無毒

治男子腎虛精竭陰痿女子食之有子益氣輕身
令髮不白

大棗氣平溫味甘無毒陽也後用烏頭毒不宜合生葱

治心腹邪氣安中養脾助十二經平胃氣通九竅

補少氣少津液身中不足大驚四肢重和百藥心

下痞中滿嘔吐者勿食齒病忌之

桃仁氣平味苦甘無毒沉而降陰也入手足厥陰經

治痰血血閉血結血燥癥瘕邪氣殺小蟲通潤大

便除卒暴擊血通月水止痛定疝痛去皮膚血熱

燥痒苦以破滯血甘以生新血

杏仁氣溫味甘有小毒沉而降陰也入手太陰經湯

去皮光

治欬逆上氣、雷鳴喉痺、下氣定喘、潤心肺、散肺經風寒、咳嗽、消心下急滿痛、散結、潤燥、消宿食、產乳金瘡、塞心奔豚、燒令烟未盡、研如泥、裹納女子陰中、治蟲蛆

木瓜、氣溫、味酸、無毒、入手足太陰經

治脚氣水腫濕痺、邪氣癘亂吐下、轉筋不止、冷熱

痢、心腹痛、止渴降痰、唾此物入肝、故益筋與血、腰

腎脚膝無力、不可缺也、氣脫能收、氣滯能和、調榮

衛助穀氣

烏梅、氣平、味酸、無毒、陽也

治久痢久嗽、吐衄生津、止渴下氣、除熱煩滿、收肺

氣消痰、溢腸止洩、祛瘡虛勞、骨蒸安心、消酒毒、偏

枯皮膚麻痺、去黑黥、燒灰杵末、傳一切惡瘡、出惡

肉立盡

梨、氣寒、味甘、微酸

治心煩肺熱、咳嗽消渴、降痰、除客熱、梨者利也、流

利下行之謂也、酒病消渴人宜之、勿多食、令人寒

中、金瘡產婦、並血虛者戒之

胡桃、氣溫、味甘、無毒、去殼皮用

治腰痛、補下元、潤肌黑髮、令人肥健、不可多食、動

風生痰、能脫人眉

砂糖、氣寒、味甘、無毒、生與魚同食、生與魚同食、生與魚同食、生與魚同食

治心肺大腸熱、和中助脾、小兒多食損齒、發疳、墜

生蟻、甘生濕、濕生火也、中黃、嘔家不宜用、以甘

故也

荔枝、枝、氣平、味甘、無毒、炒用

治心痛及小腸氣囊濕疝氣

穀部

粳米氣平味甘無毒入于太陰少陰經

治煩渴止洩益氣平和五臟補益胃氣其功莫及

與熟鷄頭相合作粥食之益精強志耳目聰明

陳倉米氣溫味酸鹹無毒

治煩渴下氣消食開胃止洩補五臟澀腸胃

粟米氣微寒味鹹無毒

治脾胃中熱益氣養腎氣陳者味苦主胃熱消渴

利小便止痢

麥蘖氣溫味鹹甘無毒凡用炒并去皮

治宿食停滯胃膈脹滿破癥結冷氣癰亂下氣消

痰補脾開胃寬腸化食催生落胎亦行上焦滯血

產後秘結膨脹不通胃氣虛人宜服以戊戌巳酉

熟水穀又久食多食消腎戒之

浮小麥氣微寒味甘鹹無毒

治大人小兒骨蒸肌熱婦人勞熱止盜汗

神麩氣溫味甘純陽陳久者良人藥以令香六月六

治食不化心膈氣滿痰逆癰亂赤白痢下水穀破

癥結去冷氣小兒腹堅大如盤落胎下鬼胎能調

中下氣開胃消食

鷲粟穀氣平味澁無毒去筋膜蜜炒

治久痢澁腸及脾泄虛勞久嗽雖有劫病之功然

暴嗽泄利者戒之

胡麻氣平味甘無毒

治傷中虛羸補五內益氣力長肌肉填髓腦堅筋

骨消風毒瘡瘍久服明耳目

麻子仁氣平味甘無毒入足太陽手陽明經可去積方

治中風汗出皮膚頑痺逐水利小便潤大腸風熱

結燥便難止消渴補中益氣破積血復血脈催生

及橫逆產下乳產後餘疾

豆豉氣寒味苦無毒純陽無益者佳

治傷寒頭痛寒熱氣惡毒煩燥滿悶虛勞喘吸

心中懊懣吐虛煩勞食復時疾發汗及暴痢腹痛

安胎取汁服

赤小豆氣溫味辛甘酸無毒陰中之陽

治脚氣大腹水腫下水排癰腫膿血寒熱熱中消

渴止洩利小便吐逆卒疝消散毒氣久食令人虛

白扁豆氣微溫味甘無毒

治霍亂吐泄清暑和中下氣補脾胃殺一切草木
及酒毒河脫毒

花治女子赤白帶下

酒氣大熱味苦甘辛微有毒

殺百邪惡毒氣通血脈厚腸胃禦風寒霧氣養脾

扶肝行藥熱能行諸經而不止味辛者能散為導

引可以通行一身之表至極高之分苦者能下甘

者居中而緩淡者則利小便而速下也丹溪云酒

濕中發熱近於相火性喜升大傷肺氣助火生痰

變為諸病可不謹乎

醋氣溫味酸無毒藥性者良

消癰腫斂咽瘡散水氣殺邪毒治產後并傷損金

瘡血暈下氣除煩破癥塊堅積婦人心痛血氣多

食損齒損筋骨治口瘡以醋漬黃柏皮含之愈
飴糖氣微溫味甘無毒入足太陰經佳糖木粟米用者
補虛乏止渴消痰潤肺和脾胃魚骨硬喉中及誤
吞錢環服之出中滿不宜用嘔吐家忌之丹溪云
大發濕中之熱

石部

丹砂氣微寒味甘無毒煉服則有毒惡磁石畏鹹水

佳細研水飛用治心熱煩渴養精神安魂魄益氣明目納浮溜之

火而鎮安心神通血脉殺精魅邪惡鬼瘡瘍疥癩
久服通神小兒初生細研蜜調塗口中吮良又痘
瘡將出蜜調服之解痘毒出稀少有驗
石膏氣大寒味辛甘無毒沉而降陰中之陽入手太

陰少陽足陽明經雞子為之使惡巴豆畏鐵石止

膏有體可重為三經而已主其安在哉治中風寒熱心下逆氣驚喘口乾舌焦不能息腹

中堅痛產乳金瘡中熱發熱惡熱燥熱日晡潮熱

傷寒時氣肌肉壯熱頭痛如裂大渴引飲清金制

火潤肺除三焦火熱瀉胃火消中化班止下牙痛

以辛也故能解肌出汗上行至頭以甘也故能緩

脾益氣止渴生津胃虛寒人不可服又指齒益齒

○軟石膏可研為末醋丸如菉豆大以瀉胃火痰

火食積殊驗煨傳諸瘡生肌止痛

滑石氣寒味甘無毒沉而降陰也入足陽明經石韋

使畏草青白如麋脂軟滑者佳用治身熱洩痢女子乳癰瘰癧閉利小便通九竅泄上

氣蕩胃中積聚寒熱益精氣燥濕實六腑化食毒

行積滯逐凝血解煩渴補脾胃降心火之要藥

朴硝氣寒味苦辛鹹有毒沉而降陰也畏麥句薑初

是成也者治百病寒熱邪氣逐六腑積聚結固留癖破留血

停痰痞滿大小便不通推陳致新天行熱疾消腫

毒排膿軟堅能化七十二種石

芒硝氣寒味鹹沉而降陰也結水煎補硝傾者木益中

治五臟積熱胃閉除邪氣辛能潤燥鹹能軟堅

留血除痰實利大小便通月水破五淋推陳致

又下癰瘰黃疸墮胎治漆瘡以汁傳之

玄明粉氣寒味辛甘無毒火以煨而硝鍊成性溫陰中

藥

治心熱煩燥咽喉腫痛并五臟宿滯癥結腸胃宿

垢軟積開痰明目退隔上熱大除胃熱消腫毒虛

而無實熱不可用

紫石英氣溫味甘辛無毒入手少陰足厥陰經為長之石

使畏扁青附子不欲黃連麥句薑明微如水精紫

氣得菖蒲天雄共療霍亂治心腹欬逆邪氣補不足女子風寒在子宮十年

無子療上氣寒熱邪氣結氣補心氣虛定驚悸安

魂魄填下焦止消渴又散癰腫醋淬調傳

赤石脂氣溫味甘酸辛無毒陰中之陽也惡松脂大

治腹痛洩瀉下痢赤白小便利女子崩中漏下吐

血衄血溢精淋瀝養心氣鎮驚悸固腸胃煨傳諸

瘡生肌合口

雄黃氣溫寒味苦甘辛有毒武都山所出赤雞冠

服食藥餘

治寒熱鼠瘻惡瘡疽痔死肌疥癬蠶瘡鼻中息肉及絕筋破骨百節中大風中惡蠱毒腹痛癩癧嵐瘴殺精物惡鬼邪氣百蠱毒勝五兵殺諸蛇虺毒解蒸蘆毒鍊食之輕身神仙佩之鬼神不能近入山林虎狼伏涉川濟毒物不敢傷妊婦佩之轉女為男

硫黃氣溫大熱味酸甘有毒補上者良黃色瑩

治婦人陰蝕疽痔惡瘡及下部蠶瘡止血殺疥蟲堅筋骨除頭禿療心腹疝瘕冷氣欬逆上氣脚冷疼弱壯陽道治下元虛冷元氣將絕久患寒泄脾胃虛弱垂命欲盡服之皆効中病便已不可過劑

至陽之精能化金銀銅鐵奇物

礞砂氣大熱味鹹苦辛酸有大毒畏漿水忌羊肉長形

用之飛澄去土石入甕器中重湯煮不且生用

治積聚瘕癖痰飲氣塊破結血爛胎止痛下氣療宿冷去惡肉生好肌磨目翳不宜多用腐壞人腸胃

礞砂氣味苦辛無毒

治咽喉痛痺消痰止咳破癥結清上焦口瘡含化嚥津緩以取効

水銀氣寒滑重味辛有毒畏磁石出

治疹癩痂瘍白禿殺皮膚中蟲墮胎除熱以傳男于陰陰消無氣殺金銀銅錫毒鎔化還復為丹得鉛則凝得硫黃則結併棗肉研之則散得紫河車

則伏

輕粉氣寒味辛有毒銀切血飛

治大風癩疾瘰癧殺瘡疥癬虫生肌合口及鼻上

酒醃風瘡燥痒

砒霜氣温味苦酸有大毒畏巴豆用信州水醋入藥醋煮

明佳散不雜

治諸瘡風痰在胃膈可作吐藥又能消肉積大損

人不可輕服

白礬氣寒味酸無毒甘草為之使惡性

治寒熱泄痢白帶陰蝕惡瘡瘰癧疥癬目痛堅骨

齒痛去鼻中息肉除風消痰止渴療瘰癧風涎及

心肺煩熱急喉痺痛

黃丹氣微寒味辛有毒而化成鈔

治吐逆胃反驚癇癩疾除熱下氣去毒熱臍疔金

瘡溢血祛瘡化積煎膏生肌止痛經云澁可去脫

而固氣又云收斂神氣以鎮驚也

青鹽氣寒味鹹無毒西卷所出者是

治頭疼牙疼固齒烏鬚明目補下元益氣堅肌骨

去煩熱痰滿齒台血出

漿水氣凉微温味甘酸無毒粟米新熟白花者佳不可同李實食

治霍亂洩痢調中開胃化滯物解煩渴

臘雪氣寒味甘無毒臘之月取之

治天行時氣温疫小兒熱癇狂啼大人丹石發動

酒後暴熱黃疸仍小温服之能解一切毒消煩渴

之最者也

綠絲湯氣平味甘無毒

治消渴口乾丹溪云此物屬火有陰之用能泄膀胱水中相火以引清氣上朝於口如無此湯以繭殼絲綿煮湯飲之

潦水即雨澤水也

治傷寒發黃煎用此水取其味薄不助濕也

甘爛水其法取出一盆以杓揚之水上升珠子泡五六千顆者用

治傷寒臍上悸者欲作奔豚以此水煎不助腎氣

以泄奔豚也

水水氣寒味鹹無毒味先以水洗去鹽

治傷寒熱極煩渴消暑熱毒

獸部

龍骨氣平微寒味甘無毒得人參牛黃良畏乾漆蜀椒石膏色青白者善五色

具者凡佳凡用火煨

治欬逆洩痢遺精白濁去脫回腸收斂神氣安心志定魂魄止盜汗縮小便澁精氣止夢寐辟鬼疰

精物吐衄尿血女子漏下癥瘕結小兒熱氣驚癇

諸瘡久不收口小兒臍瘡不差燒灰細研傳之

龍齒氣平味澁無毒凡用火煨

治大人小兒驚癇身熱癩疾狂走心下結氣不能

喘息諸瘡大人骨間寒熱安魂殺精物蠱毒

牛黃氣平涼味苦有小毒人參為使惡龍骨地黃龍

重疊可微香搗磨手甲上黃心黃透肝胆黃得之陰乾

名生黃為上其次有用黃心黃透肝胆黃得之陰乾

見日月使無令治驚癇寒熱熱盛狂瘡除邪逐鬼療小兒百病諸

癇熱口噤不開大人狂癲中風失音久服清心寧

神安魂定魄令人不忘得牡丹菖蒲利耳目

阿膠氣平味淡無毒浮而升陽也入于太陰足少陰

厥陰經山藥為之使畏大水仍佳蛤粉炒

治心腹內崩勞極灑灑如瘡狀腰腹痛四肢酸疼

小腹痛止崩養肝氣益肺金定喘肺虛極損欬唾

膿血非此不除又治女子下血安胎崩漏

鹿茸氣溫味甘酸無毒不破損及出脚血者力在血

治寒熱驚癇虛勞洒洒如瘡羸瘦四肢酸疼腰脊

痛脚膝無力小便頻澁精壯陽益氣強志生齒不

老女人崩中漏下惡血溺血破留血在腹赤白帶

下散石淋癰腫骨中熱疽瘰

鹿角霜氣溫味鹹無毒杜仲為之使用新解角截二

刮去面黑皮用桑皮鋪鍋底同煎三日乾水添
治五勞七傷羸瘦補腎益氣固精壯陽強骨髓止

夢遺

鹿角膠氣平溫味甘無毒得火良畏大黃

治傷中勞絕腰痛羸瘦補中益氣婦人血閉無子

止痛安胎吐血下血崩中漏下赤白淋露折跌損

傷久服延年

麝香氣溫味辛無毒生春分取之

治溫瘧蠱毒癰疽辟惡氣殺鬼精物去三虫療諸

克邪鬼氣中惡心腹暴痛脹急痞滿風毒定驚通

竅透肌婦人產難墮胎解蛇毒

犀角氣寒味苦酸鹹無毒色松脂為使惡雷

者不用粉犀角紙裏服取角尖為佳取出細為末亦可

角九治一切

治傷寒瘟疫、頭痛煩悶、大熱發狂、吐血咳血、及上焦畜血、明目鎮驚、安心神、止煩亂、中風失音、小兒風熱驚癇、痘疹餘毒、又治發背癰疽、瘡腫破血、化膿、殺百毒、鬼疰邪鬼、瘴氣、蛇毒、解山瘴、溪毒、除邪

羚羊角 氣寒 味鹹 若無毒 入足厥陰經 角統節蹇蹇

者銳緊小者其痕

治傷寒時氣寒熱、熱在肌膚、濕風注毒、伏在骨間、清肺肝熱、明目益氣、起陰去惡血、注下、辟蠱毒、惡鬼不祥、安心氣、常不魘寐、除邪氣、驚夢狂越、辟謬、小兒驚癇、山嵐瘴氣、產後血衝心煩、燒末酒調之、又治食噎不通、久服強筋骨、利丈夫。

虎脛骨 氣微溫 味辛 無毒 雄者勝酒浸

治腰膝無力、或疼、筋骨臂脛毒風、攣急、屈伸不得、走疰疼痛、酒浸服、風從虎、故宜治風、虎脛有力、可

補腰膝

溫臍氣 大熱 味鹹 無毒 酒浸一日飲其真取置

大傷處置水若狂不 治心腹痛、中惡邪氣、宿血結塊、痲痺、臍腹積冷、羸

瘦、暖腰膝、助陽氣、精衰脾胃勞極、有功、鬼氣尸疰、夢與鬼交、鬼魅狐魅、有驗

猪膚 氣寒 味甘 入足少陰經

治傷寒客熱、潤燥除煩、益氣斷痢

猪胆汁 氣寒 味苦 鹹

治傷寒熱渴、潤燥瀉便、入通脈

蟲部

石蜜氣平微溫味甘無毒生山谷岩間

治心腹邪氣諸驚癇瘲安五臟諸不足益氣補中

止痛解毒除衆病和百藥養脾胃止腸澼除口瘡

久服強志

露蜂房氣平味苦鹹有毒惡乾薑丹參黃芩芍藥牡蠣八藥火用

治驚癇瘵疾寒熱邪氣癩疾蠱毒腸痔火熬之良

又療蜂毒腫毒灸末猪脂調塗水煮服下諸惡物

及瘰癧乳癰惡瘡齒痛煎漱

牡蠣氣微寒味鹹平無毒入足少陰經得甘草為之使

治男子遺精虛勞之損補腎正氣女子崩中赤白

帶下止盜汗泄水氣主傷寒寒熱溫瘧洒洒驚志

失

怒氣除拘緩瘰癧癰腫喉痺鼠瘻心脇氣結痛軟

積消痞澁大小腸以柴胡引之故去脇下硬以茶

引之能消結核以大黄引之能除股間腫地黃為

使能益精收澁止小便本腎經之藥也

白僵蚕氣微溫味鹹辛無毒浮而升陽也惡梨栗

薛令自蠶死白則色而條直者佳勿令中濕濕則有毒不可用

治中風失音并一切風疾去皮膚風動如虫療喉

痺散痰結男子陰易病女子崩中赤白產後餘痛

小兒驚癇夜啼去三虫滅黑點諸瘡癩痕令人面

色好為末傳了腫根當自出中風喉痺欲死者生

薑自然汁調灌之又傳刀斧所傷一切金瘡

原蚕蛾氣溫味鹹有小毒入藥取雄者

治男子精泄不固止尿血益精氣強陰道交接不

倦又治金瘡凍瘡湯火瘡并滅瘡癩

全蝎氣平味甘辛有毒形緊去小者良捕得用火逼乾有收

治諸風癱瘓及中風半身不遂口眼歪斜語澁手足抽掣小兒驚風不可闕又酒服治耳聾

五靈脂氣溫味甘無毒即寒鍊出糞也先以酒

治心腹冷氣小兒五疳辟疫療腸風通利氣脉女子月閉產婦血暈行經血炒亦能止血婦人心痛血氣刺痛甚效

桑螵蛸氣平味鹹甘無毒得龍骨療洩精畏旋覆花

治傷中疝瘕陰痿益精生子女子血閉腰痛通五淋利小便水道療男子虛損腎衰夢寐失精遺溺

白濁小便自利不可闕也

蟬蛻氣寒味鹹甘無毒生楊柳

治目昏翳膜頭風目眩大風瘡癩風氣客皮膚瘙痒不已小兒出痘疹不快良

班貓氣寒味辛有毒馬刀為使畏已豆丹麥七糯米

治寒熱鬼疰蠱毒鼠瘻疥癬癩癰惡瘡疽蝕死肌破石瘡利水道血積傷人肌墮胎

蜜蟲氣微寒味苦有毒惡麻

治血積堅痞癥瘕寒熱逐痰血通利血脉及九竅墮胎喉痺

水蛭氣平微寒味鹹苦有毒

治月閉逐痰血惡血破血痕積聚無子利水道墮

胎又療折傷有功熟酒調下末一錢食頃痛可更
一服或和麝香研為末酒調一錢當下畜血善苦
走血鹹勝血也

蜈蚣

氣溫味辛有毒赤頭足者良入藥灸去頭足用

治鬼疰蠱毒噉諸蛇蟲魚毒殺鬼物老精溫瘡去

三虫心腹寒熱積聚墮胎去惡血雞好食之故中

蛤蚧

氣平味鹹有小毒男服者無功去雄藥力在尾鱗

其毒者取烏雞尿水調塗咬處大蒜塗之亦効

治久肺勞嗽傳尸殺鬼物邪氣咳嗽出血下淋瀝

通水道壯陽補虛有功

蝦蟆

氣寒味辛甘有毒五月五日入藥灸陰處東行

治邪氣破癥堅血癰腫毒發背陰瘡揭皮敷蓋其

惟

毒腫立消小兒疳氣骨熱殺疳蟲鼠瘻惡瘡蟲食

下部獠犬傷瘡狂犬咬發狂欲死煮食發濕不宜

食之○眉間白脂名蟾酥治癰疽疔腫疔牙齒縫

中血出以少紙裹少許按之立止

蚯蚓

氣寒味鹹有小毒三月洗取陰乾入藥當去土

治傷寒伏熱狂謬大腹黃瘰蛇瘕去三虫伏尸鬼

疰蠱毒殺長蟲仍自化作水入蔥葉管中即化入

治腎臟風下疰脚氣通小便人被其毒以鹽水浸

咬處又以鹽湯飲

耳

父

蛤氣平味鹹無毒猶生東海表有文者一蛤同類權分新舊

治惡瘡蝕五痔效逆胃痺腰痛脇急鼠瘻大孔出

血崩中漏下墜痰軟堅止渴燥濕收澁固濟療急

疔蝕口鼻數日盡欲死燒灰臘猪脂和塗之又治
疔痛能降消能軟能燥同香附末薑汁調服

鼈甲氣平味鹹甘無毒惡者良醃醋生取黃甲良用助

治心腹癥瘕堅積寒熱去痞鼻中瘕肉消瘡腫陰
蝕痔惡肉濕瘡勞瘦骨熱小兒腸下堅婦人漏下
五色羸瘦墮胎

敗龜板氣平味鹹甘無毒惡者良沙參畏狗膽上師鑽過

治漏下赤白破癥瘕痲瘡五痔陰蝕濕痒癰緩四
肢重弱小兒顛不合頭瘡難燥女子陰瘡心腹痛
腰背酸疼骨中寒熱傷寒勞復或肌體寒熱欲死
大有補陰之功力猛兼去疾血續筋骨治勞倦其
能補陰者蓋龜乃陰中至陰之物稟北方之氣而

生故能補陰血不足止血痢四肢無力又方家以
其靈于物故用以補心甚驗

蛇氣平味鹹甘有毒惡磁石及酒白如銀

治小兒百二十種驚癇痰癎顛疾寒熱腸痔蠱毒
蛇癩碎惡止嘔逆明目去翳膜火熬之良其療諸
惡瘡瘡瘍白癩風

白花蛇氣溫味甘鹹有毒凡用去頭尾酒浸三日棄

治中風濕痺不仁筋脉拘急口眼歪斜半身不遂
骨節疼痛大風疥癩暴風瘙痒脚弱不能久立此

烏蛇氣平味甘無毒背有三棱色黑如漆尾細尖長

散灸用亦去皮骨入膏

治諸風瘙痒癭疹疥癬犬風惡癩諸瘡皮膚不仁
頑痺

真珠氣寒無毒

綴用者新完須細鑽

治小兒驚熱鎮心去目中翳翳障膜綿裹塞耳主
聾傳百令人潤澤好顏色療瘡久不收口

烏賊魚骨氣微温味鹹無毒

惡附子白

治女子漏下赤白經汁血閉陰蝕腫痛寒熱癥瘕
無子驚氣入腹腹痛環臍陰中寒腫令人有子又
止瘡多濃水殺蟲治心痛消目中浮翳陰頭癰瘡
末傳

人部

人乳汁氣寒味甘無毒

主補五臟令人肥白悅澤點眼止淚明目療赤痛

人溺氣寒童男者尤良

治寒熱頭痛温氣熱勞咳嗽肺痿降火最速主卒
血攻心撲損瘀血吐血衄血和薑汁煎二三沸乘
熱服難產胞衣不下薑蔥煎乘熱飲即下產後飲
一杯壓下敗血惡物免血暈之疾胃虛無熱者
可用

人中白

須置于一年者始可用

丹溪云能瀉肝火降陰火

人中黃性凉治温病

浣禪汁

月經衣

婦人裙襠

解毒箭并女勞復傷寒陰陽易用此甚

刺醫學統旨後序

御史大夫東泉鄆公之未督撫兩浙也療百年之痼疾起萬姓之沉疴凡士卒病者必躬視醫藥盡心綏撫真猶父母之愛子弟人人固不感奮倭夷偶犯境土乃出謀指授遂獻誠如筭而海不揚波矣猶謂以此及人其利澤僅一時耳乃思以濟萬人於無窮此醫學統旨所由刺也統旨一書纂輯於虎林石峰葉氏而出於應軫朱生其方術頗精論議玄渺而且近於理誠足以壽國脉濟斯世矣曩聞古有長桑君世無知者扁鵲獨竒之廼悉取其禁方書授扁鵲扁鵲以此視病盡見五臟癥結漢李華陀持青囊書試人屢驗為愚頑所燔燒古今以為憾爰考統旨茲書多非世之

所傳意者其二書所遺歟苟諳此不待切脉望聽
而知致疾之由矣然鵠傷於忌龍竟於忠至今論
醫者稱二醫之功不衰則葉氏之集古方書朱氏
之以方公人殆將媲美於二大家也已公乃嘉朱
生之意且因余與叅藩劉君之請也遂付梓以傳
噫公之利濟民物以嘉惠兩浙也不獨此此特其
一端耳敬書以紀於末簡

隆慶六年壬申九月廿又六日浙江等處承宣布
政使司左右布政使滇南郭斗頓首拜書

